

FLOREAN DAL PALAZZ

AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Marciavieri, in plazze Contarene e in Borg di S. Bortolomis

Abonamens par l'interno un An quatri francs, sis mes doi francs par l'estero il doppl.

Inserzioni: intindisi cu l'Aministrazion. Mandà i bez cun letare raccomandade o in vaglia postal al sempris indirizz: **Aministrazion dal Florean dal Palazz -- Udin.**

FLOREAN A GISULFO

Letare viarte.

Uè sarai curt. An di hai tantis di fa, che no sai diti. E po dute cheste setemane o hai vudis visitis, che mi han fatt piardi il timp. E son vignuz infin a preami, che o fasi un *elogio funebre* a Pre Luigi Scrosopp. Figuriti! Florean e Scrosopp no puedin sta insieme. Jo no fas di ches figuris, e ju hai mandas a Sant Spirit. E po Marie-Luigie mi sta daur dugg i dis, par che la proviodi di un ufizi de Setemane Sante dutt furnit d'arint, parcè che no ul jessi di mancul di ches, che van zirandoland pes glesius. S'intind, che ul là a viodi i Sepulcris par fassi viodi.

Dunce, ciar Gisulfo, jo ti ringrazi dai tiei conseis; ma jo uei restà puar. pluitost che sintimi di daur: = Cjalailu, che il felo lu trai! Al fas il sior cul sang dai puars. Algiold, al frae che figure porche; ma vignarà ance par lui il quart d'ore! Lasse, che vegnin su chei fruzz, che par colpe so e vain di fam. An di è tang! A qualchidun vignarà la tentazion di daj il pevar. = Jo insume o hai vœ di conservà il miò bon nom e vivi senza paure.

Pluitost fami un altri plase. Mandimi ju il nom, il cognom, la patrie, la paternitat, la date de nascite e il ritratt di dodis principai strozins e la liste di dutis lis opèrazions bancariis, par lis quals son diventaz richs, e ane i nons da lis lor vitimis. Jo o hai pensat di fa une specie di Almanac o Lunari perpetuo e di premeti a ogni mès la vite, i tradimenz, i assassinios di chei mostros. Cussi lis venturis generazions e varàn simpri sott i voi i nons di chei, che han roseade l'anime dal prossin. Cussi quand che varan di nominà un sindich, un conseir, un deputat, si uardaran di nomi-

nà i fis di che brave int, che di signor faran nel pais la prime figure par luss e riciezzis.

Tu mi diras: ce colpe hano i fis, se i paris son stas laris e sassins? Nissune; ma, ciar Gisulfo, dutt chell che di gräte nass, suris ciape. Ma no han pance nissun merit, se i paris e han mandet in malore tantis fameis. E po isal di just, che vebin di comandà in un Comun i fis di chei che han butat sula strade tantis creaturis? Si tratarès che i fis dai tradis, dai sassinas vebin di sta sogez ai fis dai sassins e dai traditors. Tu par conseguenze e par fa un servizi ai tiei patrios tu has di fami ches plase, e jo ti sarai grat e o procurarai di ricompensati. No mi slungi di plui, signor di jessi esaudit. Intant ti ringrazi e ti auguri lis buinis festis.

Mandi, Gisulfo!

Florean.

VENTURIN A FLOREAN

Ciar Florean,

Si po ben di che Gisulfo la sa lungiate da chell che si viod, e che lis diis justis. Ma paraltre to, ciar Florean, tu trascuris la nestre plazze che in fatt di afars di cuarde e savon no ha nje ce invidia a che de antighè capital dal Friul.

Tu dovaressis cognossi i afars di chebis, di omnibus a remengo, di bruns, robe di brusa, di guanz di une man sole, di ombrenis rotis, di botons e perfìn di stecheding, das dentri par tang bez: dute robo immaginarie che si sa, il plui des voltis, parcè che si la da par mill, e sicome al puar diaul i ocorin bez e no di scarozzasi o di curasi i ding, cussi dopo si rivend par siscent, par cinquecent, e si meti in cont un

altri centenar di frâncs par spesis, sensarîs e altrîs tatarès.

No ocor nance discori che l'interes dal capital al ven pajat primo, e anzit mitut in cont tai capital, in mud che il puar diâul al ven sassinat a la driture.

Tu dovaressis ancé sâvè di chei tai a-fars che consistin tal dà bez ad imprest cul interes di un centesin par franc in di opur di tre bozzis di lat in di pal capital di cinquecent frâncs. Chestis, a ti, ti parin robis di nuje, ma fas i cons pulit, e tu vedaras ce qualitat di canajadis che si cometin impunementri.

Tu fasis ben dunce a continuà la campagne che tu has scomenzade cuintri chesg champions da la sozietat, che tu faras simpri un'opare buine, e utile. Si sa che no zovarà nuje a frenà l'ingordigie dai usaris, ma bat uè, bat doman, la int si svearà e no sarà cussi stupide di lassasi ciapà pal cuell come che si lasse ciapà in zornade.

E po dopo, invece di piardi timp a la Ciamare, a ciatassi barufe fra lor, e dovaressin i nestrîs siors deputas, pensà a fa une lezz che, al cas, e puedi mandà in galere cheste gnove razze di canais che mandin in malore lis fameis a rote di cuell. Ma zà, o hai paure che al sei dutt flat spandut diband, parcè che al è probabil che a la Ciamare an sei diviars di chei che esercitia il nobil mistir di strozzin, e dopo dutt la vie e son dugg masse passiss e no si visin ciart de int che ha miserie.

O speri che pal prossim numar tu mi faras, ciar Florean, qualche biele illustrazion su l'argoment cul qual o hai il plaze di saludati e di dimi

to ami e compagn
Venturin.

CHELL CHE FLOREAN AL SINT SENZE OLE

Dialogo fra Tite Long e Zuan Frusin

— Hastu sintut la nuvitat?

— Quale, mestri Tite?

— Che dal zardin intor il monument po?

— Ah sì, e uelin propit traspuartanus tal paradis terestri!

— Sì, e intant e spindin bez a balucs, fasind sproposis sore sproposis.

— Po zà, e vegnin fur cu la Germanie, come che culi e vessin bisugne di copia dai todeschs.

— Eh cumò e jò la manie di fa dutt

come che fasin lor, massime dopo l'aleanze cu l'Austrie.

— Po si sà, e l'Austrie nus dà ogni di provis de so gran amicizie. Hastu viodut come che al è finit il proces di chell tal che al ha copat un pes-ciador ciozzòt?

— Lu varan condanat a la galere in vite almanco!

— Sì po, nance un ore: lu han mandat vie nett, assolt, e va e no va che se il pes-ciador nol foss stat muart, puaret, lu varressin condanat a qualche an di preson lui, parcè che in Austrie i talians e han simpri tuart, e specialmentri quand che han reson.

— E intant se si trate di fa il process ai talians ju mandin dugg a Insbruk, dulà che son ches buinis lanis di montagnui che ju servin di barbe e di piruche.

— Va là ché podin là superbos e contents come paschis. Zà i nestrîs ministros e predicin che l'Italie e ha l'onor di jessi aleade cu l'Austrie e cu la Germanie, e tant baste, e ance masse.

— E no conte nuje se ance nus ciolin pal boro e nus danegin in dutis lis manieris.

— Fati la prove a fevelà, par che ti menin in catol!

— Sì, sì al è mior tasè e lassà che remenin la pastè fin che nelin.

— Fin che dure, parcè cussi no po là tropp indenant.

— Intant anin a bevi un quintin e che si rangin.

— Anin, anin pur e che il signor nus e mandi buine.

CORISPONDENZE DI FLOREAN

San Vitt, 6 April

La Preture e jè in une tal condizion di fa propri stomit ancie ai ciâns.

Il Pretor al domandà al Municipi ch'al meti un poc a l'ordin i locai e il so gabinett, ma erodistu tu? Al è doi agns ch'al sberle, ma nuje di che robe. — E sastu parcè? Parcè che in tal lug de justizie nol ocor nuje di plui di chell che al è. Brav Municipi, ce biell pensà, e il Pretor par no vergognassi, quand che al ha qualche conferenze oun Autoritas, ju mene a fevelà pe plazze.

E si che l'Assessor talian (chell che al ha indamanat e incoletat un so ami) i plas la pulizie!

No zove, e ce ustu fa?

Cracul.

altri centenar di frâncs par spesis, sensarîs e altrîs tatarès.

No ocor nance discori che l'interes dal capital al ven pajat primo, e anzit mitut in cont tai capital, in mud che il puar diâul al ven sassinat a la driture.

Tu dovaressis ancé sâvê di chei tai a-fars che consistin tal dà bez ad imprest cul interes di un centesin par franc in di opur di tre bozzis di lat in di pal capital di cinquecent frâncs. Chestis, a ti, ti parin robis di nuje, ma fas i cons pulit, e tu vedaras ce qualitat di canajadis che si cometin impunementri.

Tu fasis ben dunce a continuâ la campagne che tu has scomenzade cuintri chesg champions da la sozietat, che tu faras simpri un'opare buine, e utile. Si sa che no zovarà nuje a frenâ l'ingordigie dai usaris, ma bat uè, bat doman, la int si svearà e no sarà cussi stupide di lassasi ciapà pal cuell come che si lasse ciapà in zornade.

E po dopo, invece di piardi timp a la Ciamare, a ciatassi barufe fra lor, e dovaressin i nestrîs siors deputas, pensà a fa une lezz che, al cas, e puedi mandà in galere cheste gnove razze di canais che mandin in malore lis fameis a rote di cuell. Ma zà, o hai paure che al sei dutt flat spandut diband, parcè che al è probabil che a la Ciamare an sei diviars di chei che esercitia il nobil mistir di strozzin, e dopo dutt la vie e son dugg masse passiss e no si visin ciart de int che ha miserie.

O speri che pal prossim numar tu mi faras, ciar Florean, qualche bieles illustrazion su l'argoment cul qual o hai il plaze di saludati e di dimi

to ami e compagn
Venturin.

CHELL CHE FLOREAN AL SINT SENZE OLE

Dialogo fra Tite Long e Zuan Frusin

— Hastu sintut la nuvitat?

— Quale, mestri Tite?

— Che dal zardin intor il monument po?

— Ah si, e uelin propit traspuartanus tal paradis terestri!

— Si, e intant e spindin bez a balucs, fasind sproposis sore sproposis.

— Po zà, e vegnin fur cu la Germanie, come che culi e vessin bisugne di copia dai todeschs.

— Eh cumò e jò la manie di fa dutt

come che fasin lor, massime dopo l'aleanze cu l'Austrie.

— Po si sà, e l'Austrie nus dà ogni di provis de so gran amicizie. Hastu viodut come che al è finit il proces di chell tal che al ha copat un pes-ciador ciozzòt?

— Lu varan condanat a la galere in vite almanco!

— Si po, nance un ore: lu han mandat vie nett, assolt, e va e no va che se il pes-ciador nol foss stat muart, puaret, lu varressin condanat a qualche an di preson lui, parcè che in Austrie i talians e han simpri tuart, e specialmentri quand che han reson.

— E intant se si trate di fa il process ai talians ju mandin dugg a Insbruk, dulà che son ches buinis lanis di montagnui che ju servin di barbe e di piruche.

— Va là ché podin là superbos e contents come paschis. Zà i nestrîs ministros e predicin che l'Italie e ha l'onor di jessi aleade cu l'Austrie e cu la Germanie, e tant baste, e ance masse.

— E no conte nuje se ance nus ciolin pal boro e nus danegin in dutis lis manieris.

— Fati la prove a fevelà, par che ti menin in catol!

— Sì, si al è mior tasè e lassà che remenin la pastè fin che nelin.

— Fin che dure, parcè cussi no po là tropp indenant.

— Intant anin a bevi un quintin e che si rangin.

— Anin, anin pur e che il signor nus e mandi buine.

CORISPONDENZE DI FLOREAN

San Vitt, 6 April

La Preture e jè in une tal condizion di fa propri stomit ancie ai ciâns.

Il Pretor al domandà al Municipi ch'al meti un poc a l'ordin i locai e il so gabinett, ma erodistu tu? Al è doi agns ch'al sberle, ma nuje di che robe. — E sastu parcè? Parcè che in tal lug de justizie nol ocor nuje di plui di chell che al è. Brav Municipi, ce biell pensà, e il Pretor par no vergognassi, quand che al ha qualche conferenze oun Autoritas, ju mene a fevelà pe plazze.

E si che l'Assessor talian (chell che al ha indamanat e incoletat un so ami) i plas la pulizie!

No zove, e ce ustu fa?

Cracul.

Mi scrivin: *Intal stado, cont...*

Mio bon Florean,

In quella loze di S. Zuan viodude di gnot, de bande da l'Edicole e fas un ciativ. effett. parcè che si dismentein simpri di impia il prin feral, chel propri che al dà plui tal voli, e che al dovaress ilumina la famos s-ciale di pietè. O dis che si dismentein, ma al lare ben dit jessi cheste une culumie municipal. E credin cul sparagn di un lusor di puartà a bon puart lis finanzis dal Comun. Puars ingenuos! E saros po ane simpri ore che dessin une man di qualunque altri color, a di chel famos halcon piturat zal e neri che al sta fra la glesie dal Carmini e la Caserme, propri tal cianton, par-sore di ches'ultime. Al è un avapz poc glorios che al ribute a viodilu, e nus ri-guarde un'epoche che un famos governo al punive ane il pinsir, e al jere delit di muart il volei ben a l'Italie. Si sarès sene-òs di savé quand che borg s. Tomas, e Marciatvieri e han il privilegio di jessi ba-gnàs sere e matine cu la *Bote*, mentri al-tris borgs forsi plui frèquentàs di ciars, ca-retis e carrozzis, come da plazze dai grans, a che di s. Iacuin no viodin nance il sbor-fador dül scovazzin. *Falcozz*

Mi scrivin:

« No l'è muart, ma semplicementri in lontan pais l'omp di une Tizie che dansi un aiar di rassegnade vedovele e ha la sfa-ciatagine di fassi viodi insieme cun tun mamò, il qual al voress in ciart mud fai portà qualche ciosse sul ciar a chel che al è lontan.

Al podarà jessi benissim un so parint chest babbio; ma no lu cred, parcè che l'al-tre sere o levi par un borg poc frequentat, quand che ju viod che vignivin indenant, arivas a pos pas la Tizie mi ha cognossud e fasind un dietrofront a la militar vie a pass di brasalir, lui po ogni tant al si vol-tave indaur a viodi ce muse co vevi.

Bras, bras cussi va ben, l'omp che al si lambichi lontan, la femine intant che si consoli cun t'un altri. *A.*

LETTERATURE DI FLOREAN

I AMIGONS

*Bo-bon, bo-bon, bo-bon,
ahn, ahn, ahn, ahn, ahn ahn,
gna-gnao, gna-gnao, gna-gnao,
tu-tuff, tu-tuff, tu-tuff.
Maledet, ce fracàs;
ce razze di bordel! —*

Ti fastu maravee?

(e sì no tu ses frutt)

la solite barufe,

miò ciar, fra ciars e giàs

barufe di famee. —

Lafe che tu has reson

ma bisugne ane di

corpo d'one pignate!

che je une tal canzon

di ches ch'a fas vigni

tre quartis di..... —

E, cemud ripara...? —

Fotis! Cul comandà

che i giàsstedin sui còps, e i ciars pa strade

cun tant di musarole

ben ben assicurate.

L'OMP DAI CINQCENT FLORINS

E je vive e fres-cie siore

Che ha provat il gust cu la

A impetolassi cul dotor

Cun chel afar di vincecinq mil chechis

A cambial che i suedarin lis sachetis

E dovè vendi un par des sos viletis.

Une gruesse partide di forment,

Cioit a campion quand che al fo' il
moment

Di rizevilu al faseve spavent.

Nol jere chel ma un mis mas dut uast;

A siore i vigni l'imbast

Intant che lu puartavin sul so ciast.

La cambial di forment no fevelave

E il forment altri afar al figurave

Par cui dal colput nissun la salvave.

Par no piardi dutt svelz vendi han dovut

Il forment par siet mil, quindi han
piardut

Disevot mil. Ah ce baron futut!

Si po di che cui floes fò busarade

Puare siore Ce scotade

Quand dovè pajà la cambial zirade!

Ma di chestis an d'ha un casson,

L'è un dai rams principai de profes-sion

Cun grand consum di cuarde e di savon.

PUESTE DI FLOREAN.

Sior Toni M. — Codrotp. — Mi displas, ma no soi propit lu grad di podela servi. Un'altre volte.

Cracul. — San Vit. — Il rest al sarà inserit Joibe che ven.

A. N. — Cividat. — La spedizion dal sfuei si la fas simpri in zornade.

Poete. — Udin. — La seconde ricevude masse tard.

A. L. — Sacil. — Ti racomandi chell afarut!

A. dugg i letors di FLOREAN. — Buinis fletis, bez e saint al augure FLOREAN a dugg i siei letors.

VINCENZO LUCCARDI, gerent responsabil.

Udin, Stamparie Achille Mottaiban.